

<><><><><><>

Headlines

- केन्द्री मंत्री शिवराज सिंह चौहान होरें जम्मू-कश्मीर दे बागवानी खेत्तर गी बढ़ावा देने दी केन्द्र सरकार दी वचनबद्धता गी इक बारी फही पक्का कीता ऐ।
- केन्द्री कृषि मंत्री, उपराज्यपाल ते मुखमन्त्री होरें स्कॉस्ट कश्मीर दे 6में दीक्षांत समारोह च हिस्सा लैता। जम्मू-कश्मीर च सेअउएं दी पैदावार गी बढ़ावा देने लेई इक खास केन्द्र खडेरेया जाहगा।
- एलजी मनोज सिन्हा होरें श्री अमरनाथ जात्तरा दे बालटाल आधार शिविर पर जात्तरी निवास ते ओ.एन.जी.सी. समर्थित आपदा प्रबंधन केन्द्र दा उद्घाटन कीता।
- श्री अमरनाथ जी दी सलाना जात्तरा, पहलगाम ते बालटाल आहले दौनें रस्ते परा बवस्थित ढंगै कन्नै चलै करदी ऐ। दर्शन करने परैन्त श्रद्धालुएं दा पैहला जत्था कामयाबी कन्नै परतोई आया ऐ।
- श्रीनगर दी मशहूर डल झील च अगले म्हीने पानी सरबन्धी खेडूं आहले पैहले-पैहले 'खेलो इंडिया वाटर गेम्स' दा आयोजन कीता जाहगा।

<><><><><><>

Shivraj-Farmers

करसानें दे प्रति केंद्र दी वचनबद्धता गी फी पक्का करदे होई केंद्री मंत्री शिवराज सिंह चौहान होरें अज्ज श्रीनगर दे स्कॉस्ट कश्मीर च केसर ते सेअऊ उत्पादें दे कन्नो-कन्नो वैज्ञानिक कन्नै गल्लबात कीती। कार्यक्रम दौरान उनें राई-बाई आहले खेत्तर च प्रमुख चुनौतियों पर चर्चा कीती ते राई-बाई उत्पादकता बढ़ाने आस्तै अनुसंधान, नवाचार ते आधुनिक तकनीक दे महत्व पर लोऽ पाई। मंत्री होरें वैश्विक मानकें दे मताबक उच्च गुणवत्ता दे बी वितरण, फसलें दी किस्में च सुधार ते सेअऊ उत्पादन बढ़ाने दी वकालत कीती। उनें जम्मू-कश्मीर च टिकाऊ ते मुनाफे आहली राई-बाई आस्तै करसानें गी पूरा समर्थन देने दा वायदा कीता। उनें आखेआ।

<><><><><><>

Shivraj-SKUAST

एहदे शा पैहले केंद्री राई-बाई मंत्री होरें लेफ्टिनेंट गवर्नर मनोज सिन्हा ते मुखमन्त्री उमर अब्दुल्ला हुंदे कन्नै स्कॉस्ट कश्मीर दे 6में दीक्षांत समारोह च हिस्सा लैता ते जम्मू-कश्मीर च बागवानी खेत्तर च बदलाव आहनने च स्कॉस्ट जेह संस्थानें दी भूमिका दी सराहना कीती। कार्यक्रम च बोलदे होई केंद्री मंत्री होरें आखेआ जे सेअऊ दे उत्पादन गी बढ़ावा देने आस्तै घाटी च इक साफ-सुथरा संयंत्र केंद्र स्थापित कीता जाग। उनें आखेआ।

कार्यक्रम गी संबोधित करदे होई लेफ्टिनेंट गवर्नर मनोज सिन्हा होरें जम्मू-कश्मीर दिएं धीयें गी रूकावटां दूर करदे होई राई-बाई विज्ञान ते प्रौद्योगिकी च उत्कृष्ट प्रदर्शन करने आस्ते ममारखां दित्तियां ते आखेआ जे उनेंगी उन्दे पर गर्व ऐ। उनें आखेआ।

<><><><><><>

LG-Battal Base Camp

लेफ्टिनेंट गवर्नर मनोज सिन्हा होरें अज्ज बालटाल आधार शिविर च जात्तरी निवास ते ओ.एन.जी.सी समर्थित आपदा प्रबंधन केंद्र दा उद्घाटन कीता। इनें नमियें सुविधाएं गी जात्तरा दे दौरान लक्खां बढे तीर्थ जात्रियें दी जरूरतें आस्तै बनाया गेआ ऐ। आपदा प्रबंधन केंद्र आपदा त्त्यारी ते जवाबी कार्रवाई च सुधार करियै बरे भर मुकामी बसनीकें दी सेवा करोग। एहू पैहल तीर्थ जात्रियें दी सुरक्षा ते लोक कल्याण दे प्रति सरकार दे समर्पण गी रेखांकित करदी ऐ। उद्घाटन दे मौके पर विधायक कंगन, मियां मेहर अली बी हाजिर हे। इस मौके पर मीडिया कन्नै गल्ल करदे होई एल.जी होरें आखेआ।

<><><><><><>

1st –Batch Darshan

श्री अमरनाथ श्रद्धालुएं दा पहला जत्था, श्री अमरनाथें दी गुफा च भगवान शिवें दे हिमलिंगम रूप दे दर्शन करने परैन्त अपनी जात्तरा पूरी करियै अज्ज वापस आई गेआ ऐ। चुनौतिपूर्ण रस्ते लेई जानी जाने आहली इस आध्यात्मिक जात्तरा च इस बारी बी ज्हारां बढे श्रद्धालु हिस्सा लै करदे न। जात्तरा करियै परतोए दे श्रद्धालुएं आखेआ ऐ जे उं'दा अनुभव बड़ा यादगार रेहा ऐ। तोआई प्रशासन नै बी जात्तरा गी बवस्थित ढंगै सिर करोआने लेई सुरक्षा सने होर दुए सब्भै लोडचदे बंदोबस्त कीते दे न। श्री अमरनाथ जी दी जात्तरा, पहलगाम ते बालटाल आहले दौनें रस्तेया बडे बवस्थित ढंगै सिर चलै करदी ऐ। इस सरबंध्यै च आकाशवाणी समाचार कन्नै गल्ल करदे होई किश श्रद्धालुएं अपना अनुभव किश इस चाल्ली सांझा

<><><><><><>

Khelo India

श्रीनगर दी मशहूर डल झील च पानी सरबंधी खेड्डें आहले पैहले-पैहले खेलो इंडिया वाटर गेम्स दा आयोजन कीता जाह्ग। औंदी 21 थमां 23 अगस्त तगर होने आहली इ'नें खेड्डें च देसै दे बक्ख-बक्ख हिस्सें थमां 400 शा मते खड्डारी बक्ख-बक्ख खेड्डू मुकाबलें च अपना दम-खम दस्सडन। केन्द्री खेड्डू मंत्री मनसुख मांडविया होरें मीडिया कन्नै गल्लबात करदे होई इस प्रतियोगिता दा ऐलान कीता ऐ ते कन्नै इब्बी आखेआ ऐ जे खेलो इंडिया अभियान दे विस्तार लेई सरकार दे जतनें गी एह्दे कन्नै बल थ्होग। इ'नें खेड्डें दरान क्याकिंग, कैनोइंग, रोइंग ते स्कींग सने शिकारे ते ड्रैगन बोट दे मुकाबलें दा आयोजन बी कीता जाह्ग। मेद ऐ जे 36एं राज्यें ते केन्द्र शासित प्रदेशें थमां खड्डारी, अपनी किस्मै दे इस पैहले-पैहले आयोजन च हिस्सा लैडन।

<><><><><><>

NCC-Udhampur

एनसीसी दे अतिरिक्त महानिदेशक मेजर जनरल अनुपिंदर बेवली होरें अज्ज उधमपुर दे जनरल ज़ोरावर सिंह एनसीसी सिखलाई केन्द्र दा दौरा लाया। साढे जिला संवाददाता दी रिपोर्ट मूजब, इस केन्द्र च ऐल्लै खित्ते दे बक्ख-बक्ख हिस्सें थमां आए दे तकरीबन 3 ज्हार कैडेट सिखलाई हासल करै करदे न। एह्दे तैहत इ'नें कैडेटें गी थेआरें चलाने, आपदा प्रबंधन दे बेल्ले महत्वपूर्ण भूमिका निभाने, मेडिकल दिक्खभाल ते युद्ध कौशल सरबंधी हुनर सखाए जा'रदे न। मेजर जनरल अनुपिंदर हुं'दे इस दौरे दा मकसद, सिखलाई सरबंधी मानकें दी परख करने दे कन्नो-कन्नो कैडेटें गी प्रेरित करना बी ऐ जे ओहू अनुशासत जीवन जींदे होई पूरी जिम्मेदारी कन्नै देश-सेवा च

अपना जोगदान देना। इस सरबंध्यै च आकाशवाणी समाचार कन्नै गल्ल करदे होई मेजर जनरल अनुपिंदर बेवली होरें आखेआ

<><><><><><>

Bal-Puraskar

भारत सरकार नै प्रधानमंत्री राश्ट्री बाल पुरस्कार-2025 आस्तै नामांकन मंगे न। एह पुरस्कार 5 कोला 18एं बरें दी बरेसू दे न्याणें गी दित्ता जाने आहला सर्वोच्च नागरिक सम्मान ऐ जे तुस बहादुरी, सामजिक सेवा, वातावरण, खेड्ड, कला ते संस्कृति जां विज्ञान ते प्रौद्योगिकी जेह खेत्तरें च कुसै युवा उपलब्धि हासल करने आहलें दे बारे च जानदे हो, तां कृपा करियै उनेंगी हून गै नमित्त करो। अपना नामांकन जमा करने आस्तै 31 जुलाई 2025 दी समें सीमा शा पैहलें awards.gov.in पर जाओ।

<><><><><><>

Poonch-Excise

आबकारी मैहकमे नै नशीले पदार्थे खलाफ अपनी लड़ाई गी तेज करदे होई पुंछ कस्बे दे नेडे गैर-कनूनी ढंगै कन्नै उगाई गेदी भंग गी नश्ट कीता ऐ। साठे जिला संवाददाता दी रिपोर्ट मूजब, सरबंधत अधिकारिण, तकरीबन 30 कनाल सरकारी जमीं पर कीती गेदी भंग दी पूरी खेती गी तबाहू करी दित्ता ऐ। नौजवानें गी नशीले पदार्थे थमां दूर रक्खने दे मकसद कन्नै इस अभियान गी अंजाम दित्ता गेआ ऐ। सरबंधत अधिकारिण दा आखना ऐ जे ओहू नशीले पदार्थे दी कवैतू पर रोक लाने ते नौजवानें गी नशे दे चंगुल शा बचाने लेई वचनबद्ध न। इस सरबंध्यै च आकाशवाणी समाचार कन्नै गल्ल करदे होई आबकारी मैहकमे दे इक अधिकारी नै आखेआ

<><><><><><>

Doda-JJM

पानी दी सप्लाई ते एहदे संरक्षण गी बढ़ावा देने दी इक महत्वपूर्ण पैहल दे तैहत डोडा जिले च जल जीवन मिशन ते जल शक्ति जन भागीदारी अभियान दे दुए चरण सरबन्धी परियोजनाएं दी अमल-आवरी दा आंकलन करने लेई डिप्टी कमिशनर हुं'दे दफतरै च इक बैठक लाई गेई। जिला जल जीवन मिशन डोडा दे अध्यक्ष ते डिप्टी कमिशनर हरविंदर सिंह होरें इस बैठक दी प्रधानता कीती। इस मौके पर उ'नें सब्भनें एजेंसिएं गी गुजारिश कीती जे ओहू बकाया पेदे कम्में गी तेजिआ कन्नै सबूरा करन ते असरदार निगरानी लेई नियमित तौर उप्पर इलाकें दे निरीक्षण करदे रौह्ना। डिप्टी कमिशनर होरें सब्भनें सरबन्धत धड़ें बश्कार तालमेल, पानी दे मय्यार दी जांच, समस्याएं दे नबेडे ते लोकें गी जागरूक बनाने दी जरूरत पर जोर पाया।

<><><><><><>